

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

16.04.2019թ

ք. Արուսյան

Հարկադիր կատարումն ապահովող ծառայության Կոտայքի մարզային բաժնի Արուսյանի տարածաշրջանի բաժանմունքի հարկադիր կատարող՝ Արմեն Գևորգյանս ուսումնասիրելով 16.04.2019թ վերսկսված թիվ 03136765,03127940,03136762,03125657 և 04797395 կատարողական վարույթների նյութերը

ՊԱՐԶԵՑԻ

ՀՀ Կոտայքի մարզի առաջին աստիճանի ընդհանուր իրավասության դատարանի կողմից 31.10.2018թ. տրված թիվ ԿԴ1/1992/02/16 կատարողական թերթի համաձայն պետք է՝ Անդրանիկ Սերյոժայի Հակոբյանից, Արթուր Յուրիի Հակոբյանից, Ալեքսան Պարզևի Խաչատրյանից, Օֆելյա Վաչիկի Մաթոսյանից հոգուտ «ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» փակ բաժնետիրական ընկերության համապարտության կարգով բռնագանձել 2.992 ԱՄՆ դոլարին համարժեք ՀՀ դրամ, որից 2.100 ԱՄՆ դոլարին համարժեք ՀՀ դրամը վարկի մայր գումար, 254 ԱՄՆ դոլարին համարժեք ՀՀ դրամը՝ կուտակված տոկոսագումար և 638 ԱՄՆ դոլարին համարժեք ՀՀ դրամ՝ կուտակված տուժանքի գումար՝ բռնագանձումն առաջնահերթության կարգով տարածելով գրավի առարկայի վրա, իսկ դրա անբավարարության դեպքում նաև Անդրանիկ Սերյոժայի Հակոբյանին, Արթուր Յուրիի Հակոբյանին, Ալեքսան Պարզևի Խաչատրյանին, Օֆելյա Վաչիկի Մաթոսյանին պատկանող այլ գույքերի վրա, ինչպես նաև 28.503 ՀՀ դրամ՝ որպես նախապես վճարված պետական տուրքի փոխհատուցման գումար:

Սկսած 24.06.2016թ. մինչև պարտավորության ամբողջական կատարման օրը 2.354 ԱՄՆ դոլարին համարժեք ՀՀ դրամի նկատմամբ հաշվարկել և բռնագանձել օրական 0.2 տոկոսի չափով տուժանք:

Միաժամանակ հոգուտ Հայաստանի Հանրապետության պետական բյուջեի բռնագանձել բռնագանձման ենթակա տուժանքի գումարի երկու տոկոսը՝ որպես պետական տուրք:

Վերոգրյալի հիման վրա և ղեկավարվելով « Դատական ակտերի հարկադիր կատարման մասին» ՀՀ օրենքի 28, 43 հոդվածներով և « Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան՝ Սերոժ Հակոբյանին և Անդրանիկ Սերյոժայի Հակոբյանին ընդհանուր բաժնային սեփականության իրավունքով պատկանող ՀՀ Կոտայքի մարզի Բալահովիտ համայնքի Լ. Ավետիսյան փողոց թիվ 39 հասցեում գտնվող գրավադրված անշարժ գույքը.

h/h	լրտի անվանումը նկարագիրը	գնահատման գինը	մեկնարկային գինը	գույքի քանակը
1.	ՀՀ Կոտայքի մարզի Բալահովիտ համայնքի Լ. Ավետիսյան փողոց թիվ 39 հասցեում գտնվող ընդհանուր բաժնային սեփականության իրավունքով գրանցված բնակելի տուն և բնակելի կառուցապատման նշանակության հողամաս:	20.740.000ՀՀ դրամ	15.555.000ՀՀ դրամ	1

Ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ 11.06.2019թ-ին:

Որոշման պատճենը ուղարկել կողմերին

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:


«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված կարգի:

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ և 5-րդ մասերի համաձայն երկրորդ և յուրաքանչյուր հերթական աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը:

Հարկադիր կատարող



Ա.Գևորգյան